

## 除夕古诗

1.  
晰晰燎火光，氤氲腊酒香。嗤嗤童稚戏，迢迢岁夜长。堂上书帐前，长幼合成行。以我年最长，次第来称觞。——白居易《三年除夕》
2.  
千家笑语漏迟迟，忧患潜从物外知，悄立市桥人不识，一星如月看多时。  
。——黄景仁《癸巳除夕偶成》
3.  
旅馆谁相问？寒灯独可亲。一年将尽夜，万里未归人。寥落悲前事，支离笑此身。愁颜与衰鬓，明日又逢春。——戴叔伦《除夜宿石头驿》
- 4.四十明朝过，飞腾暮景斜。——杜甫《杜位宅守岁》
- 5.寒灯短烬方烧腊，画角残声已报春。——方干《除夜》
6.  
岁序已云殚，春心不自安。聊开柏叶酒，试奠五辛盘。金薄图神燕，朱泥却鬼丸。梅花应可折，倩为雪中看。——庚肩吾《岁尽应令诗》
7.  
不求见面惟通谒，名纸朝来满敝庐。我亦随人投数纸，世情嫌简不嫌虚。  
。——文征明《拜年》
8.  
一年滴尽莲花漏，碧井屠苏沈冻酒。晓寒料峭尚欺人，春态苗条先到柳。  
。佳人重劝千长寿，柏叶椒花芬翠袖。醉乡深处少相知，只与东君偏故旧。  
。——毛滂《元日（玉楼春）》

9.  
巧裁幡胜试新罗，画彩描金作闹蛾；从此剪刀闲一月，闺中针线岁前多。  
——查慎行《凤城新年辞》

10.  
欢多情未极，赏至莫停杯。酒中喜桃子，粽里觅杨梅。帘开风入帐，烛尽炭成灰。勿疑鬢钗重，为待晓光催。——徐君倩《共内人夜坐守岁》

11.  
休叹流光去，看看春欲回。椒盘卷红烛，柏酒溢金杯。残腊余更尽，新年晓角催。争先何物早，唯有后园梅。——朱淑贞《除夜》

12.  
乾坤空落落，岁月去堂堂；末路惊风雨，穷边饱雪霜。命随年欲尽，身与世俱忘；无复屠苏梦，挑灯夜未央。——文天祥《除夜》

13.寒辞去冬雪，暖带入春风。——唐太宗《守岁》

14.  
天上风云庆会时，庙谟争遗草茅知。邻墙旋打娱宾酒，稚子齐歌乐岁诗。  
老去又逢新岁月，春来更有好花枝。晚风何处江楼笛，吹到东溟月上时。  
——陈献章《元旦试笔》

15.  
旅馆寒灯独不眠，客心何事转凄然？故乡今夜思千里，霜鬓明朝又一年。  
——高适《除夜作》

16.  
扫除茅舍涤尘嚣，一柱清香拜九霄。万物迎春送残腊，一年结局在今霄。  
生盆火烈轰鸣竹，守岁筵开听颂椒。野客预知农事好，三冬瑞雪未全消。  
——戴复古《除夜》

17.  
迈街相约看花市，却倚骑楼似画廊；束立盆栽成列队，草株木本斗芬芳

。通宵灯火人如织，一派歌声喜欲狂，正是今年风景美，千红万紫报春光。——林伯渠《春节看花市》

18.

天地风霜尽，乾坤气象和；历添新岁月，春满旧山河。梅柳芳容徧，松篁老态多；屠苏成醉饮，欢笑白云窝。——叶颙《已酉新正》

19.

乡心新岁切，天畔独潸然。老至居人下，春归在客先。岭猿同旦暮，江柳共风烟。已似长沙傅，从今又几年。——刘长卿《新年作》

20.

昨夜斗回北，今朝岁起东；我年已强壮，无禄尚忧农。桑野就耕父，荷锄随牧童；田家占气候，共说此年丰。——孟浩然《田家元日》

21.玉关西望肠堪断，况复明朝是岁除。——岑参《玉关寄长安李主簿》

22.

萧疏白发不盈颠，守岁围炉竟废眠。剪烛催干消夜酒，倾囊分遍买春钱。听烧爆竹童心在，看换桃符老兴偏。鼓角梅花添一部，五更欢笑拜新年。——孔尚任《甲午元旦》

23.

爆竹声中一岁除，春风送暖入屠苏。千门万户曈曈日，总把新桃换旧符。——王安石《元日》

本文链接：<https://duanjuziku.com/duanjuzi/1qkz774za7.html>